

Kitaani ukiukkut aaffanniartarnerup januarip 15.-iat allarnerfigalugu martsip 15.-iat ilanngullugu ingerlanneqartartussangorlugu Naalakkersuisut Aavernik illersuineq piniarnerlu pillugit Namminersornerullutik Oqartussat nalunaarutaat nr. 20, 27. oktober 2006-imeersup allangortinneqarnissaannik peqquneqarnissaannik Inatsisartut aalajangiiffigisassatut siunnersuut.

(Inatsisartuni ilaasortaq Nikolaj Jeremiassen, Siumut)

Akissuteqaat

(Aalisarnermut, Piniarnermut Nunalerinermullu Naalakkersuisoq)

Aappassaaneerineq

Aallaqqaasiutigalugu ataatsimiititaliap isumaliuutersuussutaanut innersuussissaanga, ataatsimiititaliallu Inatsisartuni aalajangiiffigisassatut siunnersuummut Kitaani ukiukkut aaffanniartarnerup piniagaaffiata siuartinneqarnissaannik Naalakkersuisut peqquneqarnissaat pillugu sukumiisumik suliaqarsimanerannut qutsavigerusullugit.

Naalakkersuisut siullermeerneqarnerani akissuteqaatiminnut innersuussissapput.

Siunnersuut Ataatsimiititaliami suliarineqarnerani amerlanerussuteqartut inassutigaat siunnersuutigineqartut akuerineqassasut tassalu Kitaani aaffanniartarnerup januarip 15.-iat allarnerfigalugu april-ip 30.-iat ilanngullugu piniarfinngussasoq.

Naalakkersuisut tamanna tunngavigalugu susassaqtut suleqatigeqqissaarlugit suliaasiissutigineqartoq naammassiniassavaat.

Taama oqaaseqaateqarlunga ataatsimiititaliami amerlanerussuteqartut inassuteqaataat naapertorlugu Naalakkersuisut suliaqassapput ataatsimiititaliarlu suliamut atatillugu ingerlaavartumik ilisimatinneqarumaarluni.